

14. fundur framkvæmdateymis Snæfellsbæjar haldinn 14. júní 2023 í fundarsal Ráðhússins og hófst hann kl. 09:00.

Mætt: Kristinn Jónasson, Vagn Ingólfsson, Matthías Páll Gunnarsson, Ævar Sveinsson, Baldvin Leifur Ívarsson, Björn Arnaldsson og Ragnar Mar Ragnarsson. Lilja Ólafardóttir ritaði fundargerð.

- 1) Björn fór yfir neðangreinda punkta um framkvæmdir á vegum Hafnarsjóðs:
 - a) Framkvæmdir við þekju og lagnir á Norðurtanga í Ólafsvík halda áfram. Vinnu við vatns- og rafmagnsbúnað inni í nýju masturshúsi er að mestu lokið. Búið er að brjóta alla þekju og annað masturshúsið. Búið er að steypa einn stólpa fyrir ljósamastur, einnig kant við bílaplan og trébryggju. Verið er að vinna við lagnir og undirbúning fyrir steypu á þekju.
 - b) Endurbætur á hafnarhúsinu í Ólafsvík halda áfram, verið er að vinna við breytingar innan húss og undirbúa viðbyggingu og framkvæmdir utan húss.
 - c) Vinna við dýpkunarframkvæmdir í innsiglingunni til Rifshafnar er stopp eins og áður hefur komið fram.
 - d) Útboðsgögn vegna stækkunar og hækkunar á trébryggju við gafli stálpils við Norðurtanga í Ólafsvík eru tilbúin. Verkið verður boðið út í viku 26.
 - e) Vegagerðin hefur lagt fram tillögu að endurbótum á sjóvörn við Marbakka í Staðarsveit. Fundur var haldinn með húseigendum þann 26.05. s.l. og er málið í skoðun hjá þeim.
 - f) Vinna við framkvæmdir við sjóvörn við Ólafsbraut heldur áfram ásamt vinnu í grjótnámu.
 - g) Búið er að brjóta niður masturshús á Norðurgarði í Ólafsvík og er verið vinna við lokafrágang á rafmagni.
 - h) Unnið er að undirbúningi vegna malbiksframkvæmda hjá hafnarsjóði n.k. sumar.
 - i) Búið er að setja upp nýjan löndunarkrana við Norðurtanga í Ólafsvík og er hann kominn í notkun.
- 2) Leifur fór yfir framkvæmdir
 - a) Unnið við ýmislegt smávægilegt á tjaldstæðum.
 - b) Málaðir gluggar utan Klif. Þarf að fara í að panta og skipta um glugga á bláa sal. Ágætt að taka mál af gluggunum og panta þá. Þeir eru þá til þegar tími og mannskapur gefst til að skipta um.
 - c) Settir nýir vaskar ásamt borðplötu við vaska á karlasalerni Klif.
 - d) Settir skápar og helluborð í eldhúsi Klifi.
 - e) Það kom í ljós leki yfir sviði á Klifi búinn að fara upp á þak en sá ekki ástæðuna.
 - f) Gera þarf ráðstafanir vegna búsetu að Snæfellási 3a. Húsnæðið þarfnast orðið mikils viðhalds, m.a. vegna t.d. glugga sem eru ónýtir ásamt ýmsu öðru. Taka þarf ákvörðun hvort ráðast eigi í endurbætur eða hvort eigi að finna annað búsetuúrræði.
 - g) Máluð gólf í sundlaugarklefum á Lýsuhóli
 - h) Byrjað að gera við vegg í "leikskólarými" á Lýsuhóli eftir leka sem búið er að koma í veg fyrir.
- 3) Vagn fór yfir framkvæmir í skólamanvirkjum:
 - a) Vinnan í maí hefur að mestu snúist að bolla niður málningu á austurhlíð grunnskólans á Hellissandi, bráðabirgðaviðgerðir á gólfduki í eldhúsi grunnskólans í Ólafsvík með aðstoð Leifs, auk annarar vinnu innan skóla og utan. Nú er svo komið að allar hliðar skólans hafa verið bollaðar niður og öll málning farin af öllum hliðum skólans, einnig hafa þrjár hliðar nedri þakkants verið bollaðar niður. Austurhlíð nedri þakkants er óunnin, eins er með efri þakkant hann er illa farinn af steypuskemmdum og mjög víða liggur járnabinding fram í útbrúinir

Ende
MPG
VI

kantsins. Þetta verður ekki unnið enda liggur ekkert fyrir um hvað leið verður farin í þakskiptum eða hvernig ganga eigi frá þakköntum. Vonandi verður tekin ákvörðun um það sem fyrst.

- b) Eiríkur Gautsson hefur verið af og til að múra upp útveggi skólans, múrvinna gengur nokkuð vel en nú verður bið á múrvinnu í einhvern tíma vegna fráveru Eiríks en að öllum líkindum verður skólinn fullmúraður og tilbúinn undir málningu seinnipart ágústmánaðar.
- c) Það sem snýr að ísetningu á gluggum bæði í Grunnskólanum á Hellissandi og í Ólafsvík er dapurt og ekkert að gerast í þeim málum. Ég gekk frá því við eiganda Gluggahallarinnar síðastliðið haust þegar þeir voru í gluggaísetningum í grunnskólanum á Hellissandi að þeir kæmu til okkar að vori og við fórum þá inná biðlista hjá þeim og að öllum líkindum eru þeir væntanlegir seinnihluta júnímánaðar. Okkur var hinsvegar sagt í febrúar að við mættum búast við mannskap frá ÞB Borg í gluggaísetningar hugsanlega í marsmánuð. Ég vil geta þess að þessir gluggar voru pantaðir haustið 2021 og þá strax áréttaði ég að menn yrðu að leggjast í vinnu að tryggja sér iðnaðarmenn til að setja þessa glugga í og áréttaði það nokkrum sinnum veturinn 2021 - 2022 og því finnst mér þetta dapurleg frammistaða og vil minna á að nú er komið fram í júní mánuð og sumarfrí framundan.
- d) Ragnar fór yfir það sem er í gangi í gluggamálum. Hann er kominn með loforð fyrir iðnaðarmönnum í júlí og einhverjum í lok júní. Nú þarf að raða verkefnum í forgangs röð miðað við þá iðnaðarmenn sem við fáum. Þar verða eflaust gluggaskipti í skólunum og leikskólanum í fyrsta sæti.



Það sem til stendur í júní mánuði.

- e) Einhver málningarvinna innandyra í Grunnskólanum í Ólafsvík.
 - f) Niðurrif á flekahurð og öðru sem til þarf og gera klárt fyrir nýja hurð milli tveggja kennslurýma í Grunnskólanum í Ólafsvík.
 - g) Málun á skólalóðum beggja skólanna bæði bílastæði, rútusvæði og leiksvæði.
 - h) Aðkoma að umgangshurð á vesturgafli skólans í Ólafsvík, brekkan þar niður og svæði undir ruslakössum. Þetta þyrfti að taka til athugunar hvort ekki er hægt að malbika í sumar.
 - i) Vagn mun hafa samband við Viðar um að bora loftunargöt í þakkassa á grunnskólanum á Hellissandi.
 - j) Það fór heitavatsnslögn í austurálmú grunnskólans á Hellissandi og vinna mun hefjast fljótlega við að leggja rústfríar lagnir og skipta um ofna. Þ.a.l. er búið að vera að taka tæknirýmið í gegn.
- 4) Matthías fór yfir framkvæmdir í íþróttamannvirkjum/slökkviliði:
- a) Verið er að steypa undirstöður fyrir vatnsrennibraut við sundlaugin á Ólafsvík. Gert er ráð fyrir að síðasta undirstaðan verði steypit í næstu viku.
 - b) Útipottar A og B voru tæmdir og þrífir og dælubúnaður lagaður.
 - c) Vaðlaugin var opnuð í maí. Sánatunnan var færð.
 - d) Öryggismyndavélar voru settar upp við Lýsulaugar.
 - e) Öryggismyndavélar voru settar upp á tjaldstæðinu á Hellissandi.
 - f) Aðgengi var bætt í sundlauginni í Ólafsvík, þröskuldar sagaðir og fjarlægðir.
 - g) Völlurinn á Hellissandi var sleginn. Gámarnir á vellinum eru orðnir lélegir.
 - h) Þrír ljóskastarar eru bílaðir á vellinum í Ólafsvík og unnið er að því að fá nýja.
 - i) Lagnir og rotþrær á Arnarstapa hafa verið hnitsettar undanfarið, þ.e.a.s. þær sem ekki hafa verið komnar í kerfið.
 - j) Búið er að vera að vinna í að persónuverndarvæða tölvukerfið í grunnskólanum.
 - k) Búið er að setja nýja viftu í hitatúbuna í íþróttahúsinu á Hellissandi.
 - l) Búið er að vera að vinna í því að finna ástæðuna fyrir hitaleysinu í skólanum, íþróttahúsinu og Röstinni á Hellissandi. Ástæðan er fundin og eins og kom fram hjá Vagni hér fyrir ofan, þá er unnið að lagfæringu.
 - m) Búið er að kaupa ípad til að setja upp innskráningarkerfi við Lýsulaugar eins og í sundlauginni í Ólafsvík. Þá verður auðveldara fyrir þá sem eiga sundkort að nota það á báðum stöðum.
 - n) Búið er að vera í töluverðum úttektum á vegum slökkviliðsins.

Handwritten signatures and initials in blue and green ink, including names like 'Ólaf', 'MPG', and 'Li'.

- 5) Ragnar fór yfir ýmsar framkvæmdir:
- Töluvert verið um almennar fyrirspurnir frá fyrirtækjum og einstaklingum vegna mögulegra framkvæmda og skipulagsverkefna.
 - Taka á móti umsóknum og ráða fólk í vinnuskólanum.
 - Talsvert um endurnýjun lóðablaða samhliða nýjum lóðarleigusamningum
 - Þessa vikuna hefur undirbúningur fyrir verkefnið Römpum upp Ísland sem er að fara af stað í Snæfellsbæ í dag. Amk 6 rampar verða settir upp.
 - Undirbúningur fyrir verkefni sumarsins eins og gluggaskipti í nokkrum stofnunum, endurbætur á leikskólalóð Hellissandi, vatnsrennibrautinni og viðbyggingu við leikskólann í Ólafsvík svo eitthvað sé nefnt. Það lítur ágætlega út með að ráða verktaka í flest þessara verkefna.
 - Nokkrar úttektir verið framkvæmdar vegna öryggisúttekta og rekstrarleyfa og skráningarvinna samhliða þeim í skráningarkerfið Bygging.
 - Fundur í umhverfis og skipulagsnefnd á morgun þar sem m.a eigendur hótelsins á Hellissandi munu kynna fyrirhugaða stækkun á hótelinu.
- 6) Ævar fór yfir framkvæmdir á vegum Áhaldahússins:
- Mikil vinna hefur verið á Arnarstapa í kringum rútubílastæðin og stöðuleyfishúsin undanfarið. Mikilvægt að það verði sleppistæði fyrir rúturnar og þær fari síðan og leggi uppfrá og séu ekki inni á plássinu.
 - Nú þarf að huga að salernisgám á Arnarstapa og fá umsjónaraðila með honum. Ævar ætlar að fara í það verk.
 - Það voru lagaðar vatnslagnir á Arnarstapa sem voru of grunnar.
 - Skipt var um rotþró við tjaldstæðið í Ólafsvík.
 - Settur upp 12000 lítra tankur við rotþró á Arnarstapa. Nú er þar samtals 24000 lítra 4 hólfa tankar.
 - Búið að grafa og setja niður 3 niðurföll í kringum Fellslóð á Arnarstapa og tengja þau. Búið að rétta af planið þannig að vatnið rennur í niðurföllin.
 - Verið er að búa til fleiri rútustæði á Arnarstapa.
 - Enn er verið að vinna í Ólafsbraut 23. Þar er búið að mála allar stofurnar. Bið að ganga frá miðrýminu og komið að málningarvinnu þar. Búið að klæða sökklana á þrjá vegu og tilbúið að keyra að þeim jarðveg.
 - Endurnýjuð skólplögn frá Ennishlíð í gegnum lóð á Ennisbraut 23.
 - Skipt var um brunndælu (borholudælu) á Gufuskálum.
 - Verið er að fá tilboð í götumálningu og setja niður hvaða götur og hvaða bílastæði verða máluð.
 - Búið að fara yfir fjárgirðingar og sinna hefðbundnum vorverkum.
 - Vinnuskólinn byrjaði á mánudaginn eftir verkfall. Í þessari viku byrja krakkarnir í sjávarútvegsskólanum, en koma, að honum loknum, í Áhaldahúsið.
 - Það fara að hefjast framkvæmdir á Gufuskálum mjög fljótlega. Þar verður skipt um þak á litlu blokkinni.
- 7) Næsti fundur verður þriðjudaginn 4. júlí kl. 09:00.

Fleira ekki gert og fundi slitið kl. 11:16


 Vindur Gunnarsson
 Þórunn Arnarsson
 Ólafur Sveinsson
 Matthías Póll Gunnarsson
 Baldurinn Jónsson

 Vagn Ingólfsson
